

Բողենշտէդտ դժբախտաբար ոչինչ չէ հա-
ղորդում մեզ յատուկէն հետաքրքրող խնդրի
— Ալեքսանդրապոլի գաւառի բնակիչների թը-
ուի— մասին :

«Ղարաբաղի երկրամասը(14) (Distrikt)
բաժանուում է Պարսկաստանից եւ Թալիշից Ե-
րասխ գետով, Շիրվանից եւ Շեքիից՝ Կուր գե-
տով, իսկ արեւմուտքում նրա սահմաններն են
կազմում Գանձակը եւ Նախիջևանը : Ղարա-
բաղը, որ Կասպեան իջխանութեանց ենթակայ
երկրամասերի (Provinz) թւում, ամենից
մեծն է, ունի համեմատաբար շատ անցնան
բնակչութիւն : Բնակիչների թիւը մօտ 60,000
է, որի 1/3-ը հայեր, 2/3-ը՝ թաթար : Գլխաւոր
քաղաքն է Շուշի, մօտ 6000 բնակչութեամբ» :

Գանձակի գաւառը, Ելիզաւէտպոլ, սահ-
մանակից է հարաւ-արեւելքում Շեքիին եւ
Ղարաբաղին, հարաւ-արեւմուտքում նա Հայ-
կական լեռնաշխարհի մի ճիւղով բաժանուում
է Երեւանից, արեւմուտքում սահմանակից է
Ալեքսանդրապոլի եւ Թիֆլիսի գաւառներին,
իսկ հիւսիսում՝ Կարէթիային եւ Բելոկանի
չրջանի մի մասին :

Գլխաւոր քաղաքը՝ Գանձակ, ունի մօտ
8000 բնակիչ, թաթար եւ հայ՝ խառն : Հայերի
թիւը կազմում է 1/3-ը : Գանձակը ստացել է
Ելիզաւէտպոլ անունը նրա համար, որ ոռոս-
ներն այդ քաղաքը գրաւել են Սուրբ Եղիսա-
բէթի տօնի օրը : Գանձակը, ինչպէս եւ այս
երկրների գրեթէ բոլոր քաղաքները, անցեա-
լում գտնուել է, փոխնիփոխ, հայերի, պար-
սիկների եւ թուրքերի տիրապետութեան տակ :
1804-ին առել է իշխան Յիցիանովը :

«Ախալցխայի Փաշայութիւնը սահմանա-
կից է հիւսիսում Քարթալիանային (Բուն Վրաս-
տան, Թիֆլիս) եւ Իմերէթիային (Քութայիս) :
Մի բարձր, անտառապատ լեռնաշղթայ նրանց
բաժանում է իրարից : Արեւելքում բաժանուում
է, Քարթալիանայի լեռի լեռների ճիւղաւորու-
թիւններով, Բորչալուի շրջանից, որ առաջ
Սոմխէթի եւ Թրիալէթի անուններն էր կրում :
Արեւմուտքում Ախալցխայի (կամ Մեսիսիա-

կան) լեռներով բաժանուում է Գուրիայից եւ
տաճկական տիրապետութեան տակ մնացած
երկրամասերից : Գլխաւոր քաղաքն է Ախալցը-
խան :

«Համաձայն նորագոյն տուեալների,—
չարունակում է Բողենշտէդտ,— բնակիչների
(Ախալցխա քաղաքի) թիւը, մէջը հաշուելով
եւ զօրամասերը, 12,000 է, որի հազիւ 1/5ը՝
բնիկ, տեղացի : Ռուս կառավարութեան պատ-
ւէրով 1832-ին կազմուած՝ Փաշայութեան մի
վիճակագրութեան համաձայն՝ միմիայն քա-
ղաքը, տաճիկների օրով, հաշոււմ էր 50,000
բնակիչ . իսկ այսօր ամբողջ նահանգը հազիւ
այդչափ բնակչութիւն ունի : Փաշայութեան
աչքի ընկնող միւս կենտրոններն են՝ Ախալա-
լաք, Ապիմիւս եւ Խըրքըզ, որոնք լաւ ամ-
բայրած փոքրիկ բերդաքաղաքներ են, առա-
ւելյապէս հայ բնակչութեամբ» :

Բողենշտէդտ չէ մանրամասնում որոշա-
կի, թէ Ախալցխայի փաշայութեան ընդհա-
նուր թուի — մօտ 50,000 — ո՛ր մասն է կազ-
մել հայ տարրը եւ ո՛ր մասը՝ միւս ժողո-
վուրդները (վրացի, յոյն, զարափափախ,
ջուրտ, հրեայ, գնչու, որոնց մէկ-մէկ յիշա-
տակում եւ նկարագրում է հեղինակը) : Եւ
սակայն այդ հարցը գէթ որոշ չափով պար-
զըւում է նրա հետեւեալ բառերով (էջ 161) .

«Ախալցխայի փաշայութիւնը թէեւ սկզբ-
նապէս վրացական երկրամաս է եղած, սա-
կայն նրա շատ խառն բնակչութեան մեծամաս-
նութեան տեսակէտից (այժմ) հայկական է :
Հէնց այդ պարագան է առիթ տուել Բողենշ-
տէդտին, իր գրքի Ախալցխայի փաշայութեան
վերաբերող թուական եւ փաստական նկարա-
գրութեանը կցել «Հայկական Շրջանի» նկարա-
գրութեան, որպէս մէկ հատուածը հայալե-
զու երկրամասերի (161) :

Յայտնի է արդէն, որ Ախալցխայի եւ Ա-
խալքալաքի հայութիւնը էրզրումից է գաղ-
թած, որով եւ փոխած՝ այդ գաւառների ցե-
ղագրական նախկին պատկերը :

Ինչ վերաբերում է Ախալցխա քաղաքին,
Բող. ասում է. «Նրա բնակչութեան գլխաւոր
տարրը այսօր կազմում են հայերը, որոնց մեծ
մասը էրզրումից է եկել, քաղաքը տաճիկների
կողմից պարպուելուց յետոյ... Երբեմն բազ-

14) Distrikt-ը գաւառից մեծ միաւոր է,
թէեւ նահանգից էլ փոքր . աւելի շուտ դրանց
միջին տեղն է բռնում :